

#### **SS.7.C.2.8**

*Identifie pati politik aktyèl Amerik la, e ilistre lide yo sou gouvènman an.*

**SS.7.C.2.8 Klarifikasyon sou Nosyon Fondamantal 2:** Elèv yo ap evalye enpak pati politik yo genyen sou sisyete a, gouvènman an, oswa sistèm politik la.

**Pati politik yo** jwe yon gwo wòl epi yo fè yon gwo enpak nan sisyete Ameriken an. Pati politik yo enpòtan nan pwosesis demokratik la paske yo ede pèp la kominike lide yo sou gouvènman an. Paske pati politik yo fòme ak gwo gwoup moun, gouvènman an ka pi fasil pou tandem lide gwoup yo a. Pati politik yo edike sitwayen yo tou sou pwoblèm yo pandan eleksyon yo. Pifò moun ki vote pou kandida nan pwòp pati politik yo, akoz pwoblèm ke pati politik yo a sipòte.

Pati politik yo fè enpak nan gouvènman an nan nivo federal la, eta a, ak lokal la. Paske gen plis pòs eli nan nivo leta ak lokal yo, pati politik yo gen tandans pou yo pi aktif nan nivo sa yo. Epitou, pati politik yo ramase e depanse lajan yo pou yo ka eli kandida epi ede gaye mesaj yo bay votè yo.

Pati politik ki genyen plis plas nan chanm lejislasi nasyonal la oswa eta a, ap devni **pati majorite** nan chanm lejislasi sa a. Pati a ki genyen mwens plas nan chanm lejislasi nasyonal la oswa eta a, ap devni **pati minorite** nan chanm lejislasi sa a. Pati majorite nan lejislasi a souvan gen plis kontwòl sou pwosesis legislatif la pase pouvwa minorite yo. Sepandan, pati minorite a rete aktif, epi li itilize enfliyans li otan ke posib nan pwosesis legislatif la.

**pati majorite a** - pati politik ki gen plis manm ki eli yo

**pati minorite a** - pati politik ki an dezyèm pozisyon nan kantite manm eli yo

**pati politik** - yon òganizasyon ki ap eseye jwenn pouvwa politik, yo eli manm nan pòs pubblik pou ke lide politik yo ka vin lwa oswa règleman